

SALUTASI

MAJLIS PENYERAHAN WATIKAH MPP UTeM 2022/2023

Bismillahirrahmanirrahim
Terima kasih pengacara majlis

Y.Bhg. Profesor Madya Datuk Dr. Sabri bin Mohamad Sharif
Timbalan Naib Canselor (Hal Ehwal Pelajar dan Alumni)

Pegawai-Pegawai Kanan Universiti

Yang dihormati barisan Kepimpinan Majlis Perwakilan Pelajar UTeM sesi 2022/2023 yang diketuai oleh **Saudara Muhammad Amri Hakimi bin Alias**, selaku Yang Dipertua Majlis Perwakilan Pelajar bagi sesi 2022/2023 bersama barisan MPP yang baru dilantik.

Mantan-Mantan MPP bagi sesi 2021/2022, dan

Hadiri hadirat sekalian.

Assalamualaikum Wbt dan Salam Sejahtera,
Salam UTeM ku Sayang, Menjajar Universiti, Melonjak Ke
Hadapan.

TEKS UCAPAN

YBRS. PROFESOR TS. DR. MASSILA KAMALRUDIN

MAJLIS PENYERAHAN WATIKAH MPP UTEM SESI 2022/2023

17 Februari 2023, Auditorium Canselori, 8.30 Malam

اونيورسيتي تيكنيكل مليسيا ملاك

UNIVERSITI TEKNIKAL MALAYSIA MELAKA

SALUTASI

-Seperti di lampiran

1. Alhamdulillah segala puji bagi Allah kerana dengan rahmat dan izin-Nya pada malam ini, kita dapat dipertemukan dalam Majlis Penyerahan Watikah Pelantikan Majlis Perwakilan Pelajar UTeM bagi sesi 2022/2023. Semoga dengan adanya penyerahan watikah pelantikan ini, ia menjadi satu simbolik kepada usaha yang lebih bersemangat untuk menyanggah tanggungjawab yang telah diamanahkan.

2. Di kesempatan ini, saya juga ingin mengucapkan syabas dan tahniah kepada Jawatankuasa Pelaksana Pemilihan Majlis Perwakilan Pelajar dengan kerjasama pihak Fakulti dan semua pihak yang terlibat dalam menjayakan Pemilihan Majlis Perwakilan Pelajar UTeM sesi 2022/2023.

Saudara Saudari Sekalian,

3. Saya difahamkan sejumlah 67.24% siswa dan siswi telah turun membuang undi pada Pemilihan MPP pada tahun ini. Ini adalah satu peningkatan sekiranya dibandingkan pada tahun lepas dimana peratusan keluar mengundi hanya 50.6%. Walaubagaimanapun, saya berharap bahawa pada

tahun-tahun yang akan datang jumlah turun mengundi adalah lebih tinggi dan kita menyasarkan sebanyak 80% siswa dan siswi turun mengundi. Oleh yang demikian, saya berharap bahawa Pejabat HEPA dapat melaksanakan strategi dan inisiatif yang lebih agresif bagi memastikan peningkatan undian pada Pemilihan MPP akan datang.

4. Hasil keputusan Pemilihan MPP yang telah dijalankan, maka saudara saudari yang berada di hadapan saya inilah yang telah meraih kepercayaan daripada rakan-rakan anda untuk menggalas amanah sebagai barisan MPP kali ini bagi

menyuarakan idea serta berkongsi pandangan yang sangat diperlukan oleh pihak Pengurusan Universiti. Syabas dan tahniah diucapkan!

Saudara Saudari Sekalian,

5. Ingin saya kongsi sedikit fakta berkenaan MPP secara ringkas. Majlis Perwakilan Pelajar ditubuhkan di bawah Akta Universiti dan Kolej Universiti 1971. Fungsi utama penubuhan MPP adalah untuk menjadi agen perantara antara dua pihak, iaitu pihak Pengurusan Universiti dan pihak pelajar khususnya berkaitan dengan kebajikan dan keperluan pelajar. Ia juga menjadi badan yang

bertanggungjawab dalam merancang dan mengendalikan pelbagai aktiviti yang berfaedah bagi mewujudkan suasana kehidupan pelajar Universiti yang lebih ceria dan harmonis.

6. Saya menyeru agar saudara dan saudari memperuntukkan sedikit masa untuk membaca Perlembagaan UTeM, P.U. (A) 470 yang boleh dimuat turun dari laman sesawang UTeM dan merujuk kepada Seksyen 57 yang menerangkan secara jelas berkenaan Majlis Perwakilan Pelajar.

7. Saya percaya bahawa saudara dan saudari juga sudah sedia maklum akan tanggungjawab dan peranan besar yang perlu dimainkan. Saya berharap agar peranan dan fungsi saudara dan saudari dapat menjadi penghubung erat antara pihak Universiti dan pelajar dalam mengurus tadbir Universiti yang kita kasihi ini.

8. Masyarakat kampus mahukan ahli-ahli perwakilan yang dipilih dari kalangan mereka yang mampu menggalas peranan dan tanggungjawab sebagai pemimpin pelajar yang berkaliber serta tidak lupa tugas sebenar masing-masing

datang ke Universiti untuk menimba ilmu dan peroleh kejayaan.

9. Semangat musyawarah dan muzakarah harus dijadikan amalan baik MPP dalam meneruskan agenda kebajikan pelajar. Tidak perlu menggunakan demonstrasi dan memecahbelahkan pelajar yang akhirnya hanya akan merugikan diri saudara dan saudari sendiri.

UNIVERSITI TEKNIKAL MALAYSIA MELAKA

10. Pihak universiti sentiasa membuka ruang bagi MPP untuk menyampaikan pandangan melalui saluran yang betul dan berhemah. Saya berharap agar perkara-perkara yang boleh menjejaskan reputasi pelajar dan imej Universiti sentiasa menjadi perhatian dan ingatan pelajar agar ianya tidak berlaku.

11. Akhir kata, jika terdapat sebarang masalah dana pengurusan, tanya dan rujuklah kepada mereka yang berpengalaman, rujuklah Pejabat Hal Ehwal Pelajar dan Alumni malah boleh terus kepada Pejabat Naib Canselor. Semoga kerjasama antara pihak pengurusan Universiti dan

MPP ini dapat diteruskan demi kebaikan kita semua khususnya kepada UTeM tercinta.

Sekian wabillahitaufik walhidayah wassalamualaikum wr. wbth.

Terima kasih.

